

.....

naran, hanorin sira atu halo loloos buat hotu ne'ebé ha'u haruka ba imi atu halo tuir" (Mt.28, 19-20).

Bentu XVI iha nia livru Gesu di Nazaret hakerek: "Hela ho Nia (Jezus) no simu mandatu atu ba, se haree liu de'it, hanesan momentu rua ne'ebé haketak malu, maibe loloos la'o hamutuk. Sira na'in Sanulu-resin rua presiza aprende hela ho Nia ne'ebé permete atu sira sai ida ho Nia, maski sira sei ba to'o mundu nia rohan. Sai ida ho Nia mak halo suli dinamika misaun nian, basá Jezus nia an tomak mak, defaktu, misaun". (p. 207)

Oras ne'e tuir Kristu la hala'o ona ho "mai", maibe ho "ba" hodi kontinua Jezus nia misaun rasik iha tempu no espasu. Oras ne'e nia finalidade la'os ona "sai Jezus nia eskolante" maibe "halo ema seluk sai eskolante", "ema hotu" hodi la halo distinsaun entre rasa, relijiaun, estatutu sosiál, sesu; basá ema hotu Maromak bele sai sidadaun reinu Maromak nian. Esperiensia ne'ebé eskolante iha bainhira tuir Jezus tenke mos hamoris iha eskolante seluk, la'os transmisaun teorika kona-ba konteudu doutrina nian, maibe fahe esperiensia moris nian.

Atensaun ida husi pasajen misaun nian mak sentidu totalidade, plenitude, realizasaun nian. Liafuan hotu-hotu bele haree iha fraze sira: Kristu ne'ebé moris-hi'as iha kbiit hotu (tomak) lalehan ho rai nian, nia hakarak atu ema hotu sai nia eskolante, no nia liafuan hotu ema bele simu no tau iha pratika. Nia garante ninia prezensa iha loron hotu (nafatin) to'o istoria/ mundu nia rohan. Nune'e mak Evanjellu taka, karik di'ak liu dehan, nune'e mak evanjellu loke ba mundu no istoria tomak liuhusi Kristu nia eskolante sira ne'ebé kontinua nia misaun iha tempu no espasu, inklui ita mos. Defaktu, ita FMA haklaken iha ita-nia profisaun relijioza katak ita hakarak «tuir Jezus Kristu besik liutan atu partisipa iha nia misaun salvasaun iha Kreda» (Konst 10).



Mai tuir ha'u – Hela iha Ha'u Imi ba

.....

Lia fulan 3 ne'e emerje nu'udar sintheze no paradigma ba dalan progresivu eskolante sira nian ho Jezus ne'ebé gia no akompania. Maski "mai tuir ha'u" marka momentu bolu nian ka etapa inisial, "hela ho ha'u" mosu iha diskursu adeus nian no "imi ba" iha mandatu misionariu ikus nian, ita labele konsidera liafuan 3 ne'e nu'udar momentu 3 ne'ebé tuir malu ho orden, maibe nu'udar enfaze ka observasaun 3 iha Jezus nia akompanamentu!

Mai tuir ha'u

Evanjellu ko'alia dala barak kona-ba ema lubun boot ne'ebé "tuir" Jezus. Barak haree nia nu'udar profeta ida ne'ebé Maromak haruka, seluk fali hein husi nia isindi'ak ka milagre seluk. Dala barak sira nia tuir Jezus ne'e fiziku de'it, tuir nesesidade, maski ho sentimentu loos.



Kontrariu ba ema lubun boot sira, eskolante sira tuir Jezus husi sira-nia iniciativa rasik, maibe depoizde simu bolun, ne'ebé dala ruma sira la hein. Ita haree ida-ne'e iha akontesimentu vokaun nian. Simaun ho Andre kail hela ikan, bainhira Jezus ne'ebé liu daudaun, dehan ba sira: «Imi mai tuir ha'u» (Mk 1,17); hafoin, «nia bolu» mos Tiago no Juaun, no sira «ba tuir nia» (1,20). Ho maneira hanesan, tarde uitoan, nia bolu Levi, ne'ebé tur iha banku ne'ebé ema ba selu impostu: «Jezus dehan: "Ó mai tuir ha'u". Nia hamriik hodi tuir Jezus» (2,14).

Ne'e mak narasaun nakonu ho dinamizmu. Jezus "liu... haree" (Mk 1,16). Verbu liu hatudu movimentu, la'os de'it Jezus





ne'ebé tama iha sena tasi Galileia nian, maibé liuliu ida-ne'ebé signif-ikativu liu: nia ne'ebé la'o iha ema nia dalan, tama iha ema nia moris loro-loron, iha ema nia realidade konkreta, nia impaktu ho ema ida-idak nia moris, nia ne'ebé tau nia an

tuir nivel umanu atu bele hasoru ema iha ninia moris rasik. Ida-ne'e mak mistériu enkarnasaun ne'ebé nia tutun mak mistériu Páskua nian.

Jezús nia liu, la'o iha ema nia leet realiza planu salvasaun Maromak nian. Iha Jezús nia misaun nia inísiu nia apresenta an de'it iha mota Jordaun, maibé tuir kedas nia bolu eskolante sira atu mai tuir nia: nia hakarak envolve sira iha nia dalan; nune'e, enkuantu nia ba oin, nia dada tuir nia número ne'ebé aumenta ba beibeik mane no feto sira, ne'ebé iha dalan partisipa iha ninia ideál, ninia misaun, ninia estilu moris nian, ninia destinu.

Espresaun ne'ebé Jezús uza iha eskolante sira-nia vokasaun mós hatudu movimentu: «mai tuir ha'u», «la'o tuir ha'u». Iha eskolante ninia la'o tuir korresponde mestre ninia la'o iha oin. Defaktu, Jezús, la'o uluk ba nia eskolante sira hodi hatudu finalidade/meta no sai ba sira «dalan» atu to'o bá. Bainhira nia misaun iha rai atu hotu ona Jezús la'o uluk sira seluk hodi «sa'e ba Jeruzalém» (Lk 19,28), iha ne'ebé sei atualiza eventu aas liu ninia misaun nian. Maibé krús no mate la marka pontu finál dalan ida-ne'e nian; nia promete ba nia eskolante sira: «Bainhira moris hi'as, ha'u sei ba



ne'ebé mai husi moris *tuir* Jezús no husi domin ne'ebé suli husi Aman no Oan nia domin ba malu iha Espíritu santu. Hodi hela iha Kristu eskolante moris iha komuñan ho Santísima Trindade no ho maun-alin hotu.

.....

Imi bá

“Tuir” Jezús no “hela” iha nia halo eskolante sira sai hanesan sira-nia Mestre nu'udar S. Paulo dehan: "ita iha Kristu nia hanoin rasik" (I Kor 2,16), "buat ne'ebé ema haree iha Kristu halo ema haree mós iha imi" (Fil 2,5). Halo nune'e ita-nia fuan sei sai luan ho domin universál, ita-nia matan sei loke ba horizonte boot no ita nia neon sei asume Maromak nia lójika kona-ba laran-luak ne'ebé fó saugati de'it. Husi tuir mak mai misaun. Nune'e mak Markus haktuir bainhira Jezús hili apóstolu na'in Sanulu-resin-rua: "Jezús sa'e ba foho no bolu sira ne'ebé nia hakarak no sira ba hasoru nia. Nia fihir ema na'in sanulu-resin-rua atu hela ho nia no atu haruka sira atu haklaken... " (Mk 3, 13-15). Nune'e eskolante mak ida-ne'ebé "hela ho Jezús ", iha relasaun ida komuñan nian ne'ebé sai nu'udar fundamentu ba “Jezús haruka sira” hodi partisipa iha ninia misaun rasik. Signifikadu hanesan mai husi Juaun nia espresaun: "La'ós imi mak fihir ha'u, maibé ha'u mak fihir imi hodi haruka imi ba atu fó fuan... " (Jo 15.16).

Enkuantu iha enkontru dahuluk ho Jezús eskolante sira rona husi Mestre konvite: "imi tuir ha'u mai " (Mt 4,19), oras ne'e iha enkontru ikus molok fila hikas ba Aman, mestre ne'e dehan ba nia eskolante sira: "Imi bá! Hanorin nasaun hotu-hotu sarani sira hodi Aman, Oan no Espíritu Santu sira-nia





Hela iha domin

Nu'udar Jezús ne'ebé Aman dada ba nia, eskolante tama iha komuñan moris no domin nian entre Aman no Oan, husik Maromak hadomi nia ho gratidaun no simplisidade. Jezús rasik mak garante ida-ne'e: «Nu'udar Aman hadomi ha'u, nune'e mós ha'u hadomi imi. Hela iha ha'u-nia domin» (Jo 15,9). Domin mak fó forma no harii ema hodi halo nia nakloke ba beibeik ba ema seluk. Hodi hela iha Maromak nia domin eskolante manán vizaun foun kona-ba realidade, bee-matan foun ba ninia hakaran sira. Nia hakarak buat ne'ebé Maromak hakarak. Ida-ne'e mak Jezús hakarak dehan ho liafuan sira ne'e: «Imi halo tuir ha'u-nia ukun-fuan sira karik imi hela iha ha'u-nia domin, nu'udar ha'u halo tuir ha'u Aman nia ukun-fuan sira no hela iha nia domin. [...] Imi ha'u-nia belun sira bainhira imi halo tuir buat ne'ebé ha'u haruka imi atu halo» (Jo 15, 10-12).



Ida-ne'e la signifika halo tuir ukun-fuan ne'ebé obriga husi li'ur, maibé sente armonia ho Maromak nia mundu, hodi moris tuir. Hanesan haktuir iha *Vita Consecrata*, «hanesan instintu sobrenatural ida» (n. 94).

No ida-ne'ebé mak Jezús nia ukun-fuan sira? Nia habadak ba ida de'it hodi hatudu ukun-fuan ida-ne'ebé mak esensial duni no tahan sira seluk: «Ha'u fó ba imi ukun-fuan foun: imi hadomi malu; nu'udar ha'u hadomi imi nune'e mós imi sei hadomi malu. Nune'e mak ema hotu sei hatene katak imi ha'u nia eskolante sira: bainhira imi hadomi malu» (Jo 13, 34-35). Ukun-fuan foun ida-ne'e sai sinál ne'ebé hatudu loloos se mak Jezús nia eskolante, la'ós de'it ukun-fuan ida hanesan ukun-fuan seluk, maibé prinsipiu moris nian



uluk imi iha Galileia» (Mc 14,28). No iha diskursu adeus nian nia asegura nia eskolante sira: «Ha'u sei ba prepara fatin ida ba imi; bainhira ha'u ba ona no prepara ona fatin ida ba imi, ha'u sei fila atu lori imi ho ha'u, atu iha fatin ne'ebé ha'u horik bá imi mós horik ho ha'u» (Jo 14,2-3). La'o tuir Jezús kontinua depoizde hotu tiha dalan iha mundu ne'e no sei la iha rohan iha tempu no espasu. Hanoin ida-ne'e hatudu mós iha Apokalipse, iha ne'ebé autór haktuir kona-ba santu na'in 144.000 ne'ebé «la'o tuir Bibi-Oan iha fatin hotu ne'ebé nia bá» (Ap 14,4).

Husi eskolante sira-nia parte, simu bolu no la'o tuir Jezús signifika movimentu atu la'o ba iha diresaun foun iha moris, hahú dalan foun, iha-ne'ebé pontu referénsia nian mak Jezús rasik.



Hela iha ha'u



Mai tuir iha primeiru momentu mak movimentu esternu ida, ne'ebé kedas nakfilak ba dalan espirituál ida. S. Juaun hatudu momoos movimentu ida-ne'e. Nia, maski uza ilas: *mai tuir ka la'o husi kotuk*, hakarak hatudu iha komuñan interiór ho Mestre nia moris, no liu husi nia, ho Aman. Categoria ne'ebé esprime didi'ak vizaun ida-ne'e mak «hela», ne'ebé ita hetan dala 67 iha Juaun nia evanjellu.

Iha kedas narasaun dahuluk vokasaun nian verbu *hela* uza ba dala tolu. Juaun Batista nia eskolante na'in rua, ne'ebé sente atrasaun ba Jezús, la'o tuir nia no husu ba nia: «Mestre, ita *hela* iha ne'ebé?» no depoizde Jezús nia konvite atu mai no haree,






eskolante na'in rua ne'e «ba duni hodi haree nia *hela iha ne'ebé* no iha loron ne'e sira *hela* ho nia» (Jo 1,38-39). Iha ne'e ita bele haree perspectiva nia kontráriu: husi fatin ne'ebé Jezús hela ba fatin ne'ebé eskolante sira hela. Sira hakarak

hatene Jezús nia horik-fatin, enkuantu Jezús sai ba sira horik-fatin ida. Tuir Jezús katak hela ho nia. Jezús rasik dehan: «Ema ne'ebé hakarak serbí ha'u sei tuir ha'u, no iha fatin ne'ebé ha'u hela, ha'u-nia atan mós sei hela iha ne'ebá» (Jo 12,26); «Ha'u sei fila hikas mai hodi lori imi ho ha'u; nune'e iha fatin ne'ebé ha'u hela, imi mós sei hela» (Jo 14,3). Hela ho Jezús no iha Jezús mak bee-matan rekursu internu sira ne'ebé la maran ba eskolante ida, ba nia moris no nia misaun. Hodi hela nafatin iha Jezús hanesan ai-uvas nia sanak iha uvas-hun no husik nia tama kle'an metin liu tan iha nia moris mak halo eskolante nia moris hetan fekundidade espirituál. «Ema ne'ebé hela iha ha'u no ha'u iha nia, ema ne'e mak fó fuan barak» (Jo 15,4-5). Fekundidade espirituál ida-ne'e, nu'udar konsekuensi husi horik resíproku, mak karaterístika ne'ebé hatudu nu'udar Jezús nia eskolante loos: «Ha'u-nia Aman hetan glória nune'e: katak imi fó fuan barak no sai ha'u-nia eskolante sira (Jo 15,8). Jezús nia eskolante loos lá'ós esteril.



Hela iha Liafuan

Oinsá mak ema ida-ne'ebé nunka koñese Jezús iha ninia moris iha rai ne'e bele «hela iha Jezús»? Hela iha nia signifika hela iha nia liafuan, ne'ebé nia ko'alia durante nia ezisténsia istórika, ne'ebé sasin sira hatutan mai ita no hakerek iha Eskritura. Iha Liafuan nia sai prezente hodi hakat liu tempu no espasu nia limitasaun. Juaun la insiste de'it atu ita fiar Liafuan maibé mós atu horik ho nia, hodi esperiénsia kle'an komuñan nian, sai fuan ida de'it ho nia. Fiar, katak simu no tuir nia iha momentu inisiál mak fundamentál, maibé, Jezús ezije husi nia eskolante sira fiar ne'ebé tasak, haburas no hamoris ho modu kontinuu ho Liafuan. Nia dehan momoos: «Se imi hela nafatin karik iha ha'u-nia liafuan, imi sai ha'u-nia eskolante loloos» (Jo 8,31-32). «Se imi hela iha ha'u karik no ha'u-nia fiafuan hela ho imi, imi husu buat hotu ne'ebé imi hakarak no sei halo duni ba imi » (Jo 15,7).



Hanoin ida-ne'e dala barak haktuir ho forma negativa. Bainhira ema lubun boot murmura hasoru nia hotu tiha nia "liafuan todan" kona-ba paun moris nian, Jezús husu ba nia eskolante sira: «Imi mós hakarak ba ona?» (Jo 6,67). Se la hela iha nia Liafuan, di'ak liu ba, katak lalika tuir nia. Iha Jo. 5,37-41 Jezús akuza judeu sira ne'ebé nunka rona ka interioriza Amam nia Liafuan, no razaun kle'an mak ne'e: «Nia liafuan la hela iha imi, tanba imi la fiar iha ida-ne'ebé haruka ha'u mai [...] ha'u koñese no hatene katak imi la iha

